

Na osnovu člana 20. Zakona o državnoj službi u Kantonu Sarajevo ("Službene novine Kantona Sarajevo", br. 31/16), čl. 22. i 23. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo" - Prečišćeni tekst, broj 02/12), člana 90. Zakona o javnim nabavkama ("Službeni glasnik BiH", broj 39/14), člana 8. Pravilnika o postupku direktnog sporazuma ("Službeni glasnik BiH", broj 90/14), Uredbe o kontroli javnih nabavki u svim institucijama čiji je osnivač Kanton Sarajevo ("Službene novine Kantona Sarajevo", br. 27/19), člana 20. Odluke o osnivanju JU "Fond Memorijala Kantona Sarajevo" ("Službene novine Kantona Sarajevo", br. 28/18 i 11/19), *donosim:*

## **PRAVILNIK O POSTUPKU DIREKTOG SPORAZUMA**

### **I - Predmet Pravilnika**

#### **Član 1.**

- (1) Ovim Pravilnikom definira se postupak javne nabavke roba, usluga i radova putem direktnog sporazuma iz člana 90. Zakona o javnim nabavkama (u daljem tekstu: Zakon), te se implementiraju odredbe Uredbe o kontroli javnih nabavki u svim institucijama čiji je osnivač Kanton Sarajevo (u daljem tekstu: Uredba), u kojem JU "Fond Memorijala Kantona Sarajevo" (u daljem tekstu: Fond Memorijala), kao Ugovorni organ, prikuplja prijedloge cijena ili ponude od pojedinačnog dobavljača, davaoca usluga ili izvođača radova (u daljem tekstu: ponuđač) i pregovara ili prihvata cijenu kao uslov za konačan sporazum.

### **II - Uslovi za primjenu direktnog sporazuma**

#### **Član 2.**

- (1) Postupak direktnog sporazuma se može provesti kada je procijenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM.
- (2) Fond Memorijala može tokom jedne godine za isti predmet nabavke potrošiti do 6.000,00 KM putem ovog postupka.
- (3) Fond Memorijala može započeti postupak direktnog sporazuma ako je takva nabavka predviđena planom nabavki ili kada direktor Fonda Memorijala donese posebnu odluku o pokretanju direktnog sporazuma u skladu s članom 17. stav (1) Zakona.

### **III - Principi dodjele direktnog sporazuma**

#### **Član 3.**

Postupak direktnog sporazuma se provodi na način da se osigura poštivanje principa iz člana 3. Zakona, tj. da se prema ponuđačima ponaša transparentno, jednako i nediskriminirajuće, na način da se osigura pravična i aktivna konkurencija s ciljem najefikasnijeg korištenja javnih sredstava u vezi s predmetom nabavke i njegovom svrhom.

## **IV - Početak postupka**

### **Član 4.**

- (1) Procjenjivanje vrijednosti javne nabavke koja se dodjeljuje direktnim sporazumom vrši se u skladu s članom 15. Zakona. (Procijenjena vrijednost nabavke robe, usluge ili radova jednaka je novčanom iznosu koji Fond Memorijala plaća bez obračunatog poreza na dodatnu vrijednost.)
- (2) Procijenjena vrijednost mora biti važeća u trenutku kada Fond Memorijala zatraži prijedlog cijene ili ponudu od jednog ili više privrednih subjekata.
- (3) Postupak direktnog sporazuma započinje donošenjem odluke u pisanom obliku i sadrži sve elemente iz člana 18. stav (1) Zakona:
  - a) zakonski osnov za provođenje postupka javne nabavke,
  - b) predmet javne nabavke,
  - c) procijenjenu vrijednost javne nabavke,
  - d) podatke o izvoru - načinu finansiranja.
  - e) vrstu postupka javne nabavke.

## **V - Izvršenje postupka**

### **Član 5.**

- (1) Fond Memorijala ispituje tržište, rukovodeći se pri tome čl. 11., 12. i 13. Uredbe, te traži pisani prijedlog cijene ili ponudu od jednog ili više privrednih subjekata koji obavljaju djelatnost koja je predmet javne nabavke.
- (2) Nakon što primi prijedlog cijene ili ponudu od jednog ili više ponuđača, a prije zaključivanja direktnog sprazuma Fond Memorijala:
  - a) pregovara sa ponuđačem/ponuđačima o cijeni i/ili
  - b) prihvata prijedlog cijene ili ponudu jednog ponuđača i/ili
  - c) provodi drugu vrstu postupka definisanu Zakonom.

## **VI - Izbor ponuđača**

### **Član 6.**

- (1) Kod izbora ponude na osnovu koje će biti dodijeljen ugovor, Fond Memorijala treba uzeti u obzir faktore kao što su cijena, količina, kvalitet, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke i sl.
- (2) Fond Memorijala bira ponuđača na način koji garantira najbolju razmjenu vrijednosti za novac. Kada vodi pregovore koji se odnose na prijedlog cijene ili ponudu, Fond Memorijala djeluje u skladu sa dobrom komercijalnom praksom.

- (3) Kada traži prijedlog cijene ili ponudu, Fond Memorijala daje ponuđačima određeni rok da pripreme prijedlog cijene ili ponudu, uzimajući u obzir kompleksnost nabave.

## **VII - Zaključivanje direktnog sporazuma**

### **Član 7.**

Direktni sporazum smatra se zaključenim:

- a) Kod nabavki čija vrijednost iznosi do 1.000,00 KM, prilaganjem računa ili druge odgovarajuće dokumentacije;
- b) Kod nabavki čija vrijednost je viša od 1.000,00 KM, Fond Memorijala je dužan zaključiti ugovor.

## **VIII - Prijelazne i završne odredbe**

### **Član 8.**

Stupanjem na snagu ovog pravilnika prestaje primjena Pravilnika o postupku direktnog sporazuma broj 13-01-02-479/14 od 05.12. 2014. godine.

## **IX - Stupanje na snagu**

### **Član 9.**

Ovaj Pravilnik stupa na snagu danom donošenja, a primjenjivat će se od 15.01.2020. godine. Isti će biti objavljen na web strani i na oglasnoj ploči Fonda Memorijala.

Broj:13-01-02-544/19  
Sarajevo, 12.11.2019.godine

**v.d. DIREKTOR-a**  
**Mirsad Delalić, dipl.soc.rad.**